

dum illud, sed secundum canones et episcopales leges, et rectum Deo et episcopo suo faciat. Si vero aliquis, per superbiam clatus, ad justitiam episcopalem venire contempserit, et noluerit, vocetur semel, et secundo, et tertio: quod si nec sic ad emendationem venorit, excommunicetur; et si opus fuerit ad hoc vindicandum, fortitudo et justitia regis vel vicecomitis adhibeatur: ille autem qui vocatus ad justitiam episcopi venire noluerit, pro unaquaque vocatione legem episcopalem emendabit. Hoc etiam defendo, et maxima auctoritate interdico, ne ullus vicecomes aut prepositus, seu minister regis, nec aliquis laicus homo, de legibus quae ad episcopum pertinent, se intromittat; nec aliquis laicus homo alium hominem sine justitia episcopi ad judicium adducat: judicium vero in nullo loco portetur, nisi in episcopali sede, aut in illo loco quem episcopus ad hoc construxerit.

XXXIII.

Charta Wilhelmi Anglorum regis pro monasterio S. Richar.ii.

(Ex *Spicilegio d'Achéry*, IV, 574.)

In nomine sanctæ et individuæ Trinitatis. **WILLEMUS**, gratia Dei Normannorum dux, omnibus catholicæ Ecclesiae filii, quibus est cura animæ et corporis.

Cupimus notum fieri omni futuræ posteritati quomodo ecclesiam Scamelli-Villa pro salute animæ meæ S. Richario perpetuo habendam firmaverim censura auctoritatis nostræ. Cum calumniaretur ab abbatissa Villaris monasterii, et ab abbatे suis enim conventus monasterii S. Richar.ii, Gervino nomine, causam hujus negotii ipso eodem coram primatibus curiæ meæ explicante, sibi jure competere antecessorum meorum donatione, judicio eorum decernente, tali tenore reddidi, data insuper credulitatis gratia mea fide ut deinceps sub mea advocatione liberam teneret sicut acceperat a meo avo et patre. Adver-

A teram enim illorum qui causam noverant, narratio suggestente præbendarium pro hoc beneficio in memoriam nostri debite illis interesse. Unde ne nostra confirmatio alicujus futurorum temeritate cassaretur, et nos meritum amitteremus, hujus testamenti litteras conscribere fecimus. Actum hoc anno Dominice incarnationis 1047, apud Argentulum in Kal. Novembbris. Hujus rei testes sunt idonei, Storinstingus, Richardus filius ejus; Yvo de Belismo; Arnulfus nepos ejus, Rudulfus Taxo.

XXXIV.

Charta Wilhelmi Anglorum regis pro Majori monasterio S. Martini.

(BALUZ., *Miscel.* VII, 227.)

Omnibus hoc notum fieri volumus quæ futuris id B sunt audituri temporibus, quod ego Wilheinus gratia Dei Normannorum comes, pro remedio animæ mee parentumque meorum, patris maximie et matris mee, nec non etiam uxoris mee haeredumque meorum, concedo jure perpetuo Deo et sancto Martino, monachis scilicet qui apud Majus monasterium sub Alberto abbate Deo deserviunt, per annos singulos linguam integrum balænæ unius, sive etiam successoribus eorum abbatibus et monachis qui in monasterio illo Dei servitio militaturi sunt, in comitatu Constantino, apud villam Valongiam, sub praesentia testium quorum inferius subscripta sunt nomina. Quicunque vero eleemosynam banc vel meis, vel haeredum meorum temporibus subtrahere sancto Martino voluerit, et ipse excommunicetur, et nullum habeat ejus conatus effectum, ut, dum stabilis fuerit eleemosyna mea, perpetua etiam fiat in monasterio illo memoria mea.

S. Wilhelmi comitis. S. Nielli vicecomitis. S. Mainonis de Filgeris. S. Richardi filii Torentini. S. Radulfi Taxonis. S. Giraldi seneschalchi. S. Rotberti filii Georgii. S. Hugonis Britonis. S. Tetbaldi filii Bernerii. S. Rotgerii de monte Gomerici.

ANNO DOMINI MXXXXVIII

DURANDUS

ABBAS TROARNENSIS.

NOTITIA HISTORICA.

(GALLAND., *Veterum Patrum Bibliotheca*, t. XIV, Proleg. p. ix.)

Durandus ab infantia Fiscammensis monachus, ordinis S. Benedicti, mox primus Troarnensis abbas, in monasterio diœcesis Bajocensis recens fundato a Rogerio comite Montgomericensi, coxetaneus fuit Fulberti Carnotensis, quem sui temporis episcopum appellat, quemque obiisse constat anno Christi 1028. Librum scripsit De corpore et sanguine Domini contra Berengarium, quem in novem partes distribuit, exaratum, ut creditur, anno 1060. Obiit satis plenus dierum anno 1088.

Testimonia Orderici Vitalis lib. vii Histor. eccles. ad an. 1087, pag. 658.

In electione personarum vitæ meritum (verba sunt *Guillelmi Conqueroris in extremis positi*) et sapientie doctrinam investigavi et, quantum in me fuit, omnium dignissimo Ecclesiæ regimen commendavi. Illoc nimis probari potest veraciter in Lanfranco Cantuariensi archipresule, hoc in Anselmo Beccensi abate, hoc in Gereberto Fontanellensi, et Durando Troarnense, et in aliis multis regni mei doctoribus,

quorum celebris laus personat in ultimis, ut credo, terræ unibus. Tales socios ad colloquium elegi, in horum contubernio veritatem et sapientiam inveni; ideoque semper gaudens optabam eorum consilii perfui.

Et lib. viii, pag. 676.

« Durandus Troarnensis abbas grandævus, ab infante monachus, religione et sapientia præcipuus, ecclesiastici cantus et divini dogmatis doctor peritissimus, sibi durus carnifex, alisque milis opifex, post multos in Dei cultu labores, in lectum decubuit, et bene, ut prudens et fidelis servus, ire ad curiam Domini sui varatus, illud Februarii de sæculo migravit. »

Deinde post pauca:

« Venerabiles discipuli glebam religiosi doctoris in capitulo suo reverenter sepelierunt, et in candido lapide qui suppositus est, epitaphium hoc addidierunt : »

*Hac tegitur tumba bonus et venerabilis abba,
Durandus, nostri norma monasterii.
Ad Domini laudem præsentem condidit ædem,
Qua sibi propitium credimus esse Deum.
Luce sub undena Februarii resolutus habena
Carnis, ad angelicam dirigitur patriam.*

DOMINI DURANDI

ABBATIS TROARNENSIS

LIBER DE CORPORE ET SANGUINE CHRISTI CONTRA BERENGARIUM ET EJUS SECTATORES.

(*GALLAND. Veterum Patrum Bibliotheca*, tom. XIV, pag. 245, ex codice ms. bibliothecæ domini Bigot, Rothomagensis curiae monetarum senatoris.)

PROCEMIUM.

Doctorum cunctos labor est inquirere libros,
Ut divinarum quæ sit substantia rerum
Rite capi valeat, sub forma panis operata
Ac vini; quæ, post sacra verba, crucis quoque si-
[gnum],
Nil aliud sunt quam caro vera, crux quoque verus
De vero Christi regnantis corpore in astris,
Ut regem regum decet ac Dominum dominorum.
Sint idcirco satis haec nostra minus studiosis,
De multis Patrum libris excerpta priorum.
In quibus et fidei vigor emicat, et brevitatis
Concinnæ utilitas non parva datur recitanda,
Tantum simplicibus; sapientes porro sequantur,
Ac studio freti potiora legendo capaci.

Verum ne nobis succensendum temere quis
Idcirco retur, quod præsumpsisse videmur
Talia, discat nos multa improbitate coactos,
Jam per Francorum fines et castra vagantum
Schismaticorum heresis, per quos cœpit nova no-
[stria]
Temporibus, veneranda negans mysteria Christi,
Ecclesiæ quibus alma fides viget alta decenter.
Propterea ut vilen sapientum nemo labore
Rideat, hunc nostrum multis fateor placitum.
Optima namque Patrum decerpsti dicta priorum
Sinceræ fidei, de carne et sanguine Christi,
Atque hoc in parvo congessi multa libello.

INCIPIT LIBER DOMINI DURANDI ABBATIS DE CORPORE ET SANGUINE DOMINI.

PARS PRIMA.

I. Quoniam quidem veterus hostis, inimicus hu-
mani generis, et homicida crudelis, juxta vocem
apostoli, ac si leo rugiens circumlit quarens quem de-

vole, oportet ei nos resistere fortes in fide, sine
qua prorsus est impossibile Deo placere. Ea enim
est quæ virtutem ejus elidit, procacitatem obtundit,
alique de eo victoriose triumphat braviumque vite